



16 FEB, 2025

## 48,000 ayam mati akibat kebakaran ladang ternakan

Berita Harian Ahad, Malaysia





*Ladang ayam di Jalan Guar Napai, Kampung Paya Muyud Jitra musnah dalam kebakaran, kelmarin.*  
(Foto ihsan bomba)

### 48,000 ayam mati akibat kebakaran ladang ternakan

**Jitra:** Kira-kira 48,000 ayam mati dalam kebakaran bangunan dua tingkat di ladang ternakan di Jalan Guar Napai, Kampung Paya Muyud, di sini malam kelmarin.

Ketua Balai Bomba dan Penyelamat (BBP) Jitra, Penolong Kanan Penguasa Bomba Mohd Bustan Karudin, berkata pihaknya menerima panggilan mengenai kebakaran itu pada jam 11.01 malam.

Beliau berkata, sepasukan anggota bomba dari BBP Jitra dengan dibantu BBP Bukit Kayu Hitam dan BBP Alor Setar tiba di lokasi sejurus menerima maklumat kebakaran itu.

“Operasi turut dibantu Pasukan Bomba Sukarela Bukit

Pinang, Seberang Nyonya, Pokok Sena, Jalan Kundur dan Kilang Tebu serta **Tenaga Nasional Berhad (TNB).**

“Kebakaran membabitkan bangunan dua tingkat yang beroperasi sebagai tempat penternakan ayam.

“Difahamkan, 48,000 daripada 50,000 ayam ditenak di situ mati terbakar. Kemusnahan dalam kebakaran itu dianggarkan 80 peratus dan api dapat dikawal pada jam 12.46 tengah malam,” katanya sambil menambah tiada mangsa dilaporkan berada di lokasi kejadian.

“Setakat ini punca dan kerugian masih dalam siasatan,” katanya.